

প্রকাশ : ১০ এপ্রিল, ২০১৬ ২৩:০৫

# পশ্চিমবঙ্গে বাংলাদেশি নারী পাচারকারী আটক, নাবালিকা উদ্ধার

পশ্চিমবঙ্গের হাবড়ায় বাংলাদেশি এক নারী পাচারকারীকে গ্রেফতার করেছে পুলিশ। এ সময় এক নাবালিকাকে উদ্ধার করা হয়।

বাংলাদেশের কুখ্যাত আসামি রুবেল দেওয়ান মানিকগঞ্জের বাসিন্দা নিতাইয়ের (ছদ্মনাম) নাবালিকা মেয়েকে(১৫) ফুঁসলিয়ে নিয়ে চোরা পথে সীমান্ত পেরিয়ে ভারতে ঢুকেছে। সে হাবড়া থানার বদর এলাকার একটি ইট ভাটায় নাম গোপন রেখে স্বামী-স্ত্রী পরিচয় দিয়ে বসবাস করছে। সব শুনে হাবড়া থানার পক্ষ থেকে ওই ব্যক্তিকে থানার ই-মেইল আইডি দিয়ে অনুরোধ করা হয় ছেলে এবং মেয়েটির ছবি পাঠানোর জন্য। কিছু পরে ঢাকা থেকে ছবি চলে আসে হাবড়া থানার মেইলে। ছবি পেয়েই হাবড়া থানার পুলিশ বিবিএস ইট ভাটায় খোঁজ শুরু করে। দুপুর তিনটা নাগাদ ওই ইটভাটা থেকে রুবেলকে আটক করে হাবড়া থানার পুলিশ। উদ্ধার হয় মেয়েটিও। জেলা পুলিশ সূত্রে জানা গেছে যে, মেয়েটিকে শিগগির বাংলাদেশে তার বাবা-মার কাছে পৌঁছে দেওয়া হবে।